

Sagai Muittalægje

1as Juli 1905.

No. 13.

»Sagai Muittalægje« boatta guovte gærde juokke manost, las ja lãad bæive, ja maksa ovta kruvna ja 20 øra jakkodagast — 60 øra jakkebælest. Bladde matta dinggujuvvut juokke poastarappe bokte. Dietetusak maksek 5 øra rana.

2be jakkodak.

Ædnegiella.

Min bladest læk dam jakkebælest ædnag sisasaddijægjek čallam sami manai oapatusa ja samegiela birra. Dat læ min mielast nana duođastus dam ala, atte samek rakistek ja bælošteck sin ječasek giela, sin ječasek vuoinalaš arbesek. Ja vaiko muttomak dai gaskai šaddekke adnet bære garra sanid, de sattep mi arvvedet, atte sisasaddijægje čalla nuft, dainago son rakista ædnegielaš. I olmui mielalake læk ovtalagan. Muttomak, gæina læ hoppojes lagan luonddo, moaretuvujuk, go sin ædnegiella i adnujuvvu daggar ærost ja arvost, go dat sin mielast berrijuvvuši. Damditi si adnek daggar garra sanid. Juokke olmuš moaratuvva ja šadda unokas milli, go dat, maid son ænemusad rakista, bagjelgeččujuvvu ja hilggujuvvu.

Jos mi galggap cækket min addijume dai aši harrai, de mieđetep mi, atte samegiella galgaši bajeduvvut stuoreb arvoi ja fabmoi. Ja mi æp sate guđege lakai mieltat »Ovta jurdašægjai.« gutte arvvali, atte samegiella læ nu boares giella, atte dat berreši nokkat ja erit vurrkijuvvut. Samegielast læ semma vuogadvuotta bistet go æra gielain, ja mi ballap, atte »okta jurdašægje« i læk riektaburist jurdašam čađa dam birra, go son čali daid sanid. Mi vikop, atte son čali dam birra luovus jurddagin: »Dal mon galgam addet daidi gullat, daidi, guđek vuostalastek mu addijume.«

Mi diettep, atte giella læ ovta olmuščærda hæggasuodna. Go dat nokka ja vajaldattujuvvu, de nokka

maidai olmuščærdda. Dat sikkujuvvu dalle olmuščærdai logost erit; dastgo dat læ duotta, maid okta gudnejattujuvvum sisasaddijægje čali æska min bladest: **»Juokke olmuščærdda, mi i aigo njillujuvvut æra olmuščærdain, fertte vuorkast adnet ječas lavllagid ja mainasid oktanaga ædnegielain ja ače-vieroiguim.**

Mutto samek æi berre læk vuostai dasa, atte sin manak oppek darogiela. Dat læ buorre, mađe æmbo gielaid mi sattep. Dak darolažak læk bõasto addijumest, gæk sin nalle-čævlaivuodast æi eisegen dato, atte sin manak oppek samegiela. I okta giella læk dađe hæjob go nubbe, ja duotta bajasčuvvggitus vaillo dam olmuš, gutte bagjelgæčča æra gielaid ja hilggo daid.

Juokke sabmelaš berreši sattet lokkat su ječas ædnegiela. Oarjabæld' Tromsa gavpug æi gavdnu galle sabmelaža, gæk sattek lokkat samegiela; mutto min mielast orro dat læmen mælgad unokas, atte sabmelaš i sate lokkat samegiela.

Samek berrijek nuftgo æra olmuščærdak vurkket sin vuoinalaš arbesek. Dat læi dat hærvvas jurda, mi viggati min algget olgus doaimatet dam samegiel blade, vaiko mangas doargaladde sin oividæsek ja arvvalægje, atte dat doaimatus šadda dušše stuora olgusgolatussan, ja mi læimek ja læk ječa ain dam balost. Doalli lokko læ daddeke lassanam dam ragjai, ja mi læp alggegoattam jakket, atte ain vægja læt sami olbinuin dam mađe oktamielalašvuotta, atte dat bladde i šadda orostet. Mutto doalli lokko sataši šaddat manga gærdai stuorab. Dat orro læmen, dego buokak æi vela læk ollim dam addijubmai, atte dat samegiel bladde læ

dam guovta nubbe logad jage čuođest okta daina buoremus caggin, mi min giela bajasdoalla ja čajeta vela olgoædnam olbmuidige, atte ain ellek samek ja sardnuk ja lokkek samegiela Norgast. »Sagai Muittalægje« læ gavdnam gæino nu amas ædnamidi go Ungarni ja Amerikai.

Daddeke dakka min manga gærde lossa milli dat jurda, atte dat bladde, maid mi rakistep, ja mi læ læmaš min ællema čabbasæmus ja rakasemus niekko, daida šaddat bistet nu oanekaš aige jos doalli lokko i lassan. — —

Čajetekop mi dal mailme olbmuidi, atte mi samek ječa nagadep doaimatet aldsesæmek blade samegilli! Čajetekop, atte mi dam harrai muttom muddoi alggep čuožžut min ječaidæmek julgi alde.

Æp mi satte, æpge berre vuordet, atte dušše dačak daihe æra olmušslajak gatggek olgus doaimatet migjidi samegiel avisaid ja girjid.

Norga ja Ruotarika.

Čičeid juni šadda okta muitto bæivve Norga olmui muittalusgirjest. Nuftgo mi oudeb nummarest muittalæimek, de heitte Norga stataraddijægjek (gonagas raddeaddek) dam bæive sin ammata ja adde dam stuoradigge giti. Stuuradigge vallji daid semma olbmaid radde Norga semma famoin ja vuogadvuodain go gonagas, ja daina ligin læi gonagas Oskar bijatallam erit Norgast ja Norga ja Ruotarika ærranam.

Gonagas Oskar oktan su Ruotalaš raddeaddidesguim bijai garraset dam mæredæme vuostai ja namati su čallagest min stuoradiggai, atte

Norga stuoradigge ja radditus læ mænno dam siettatusa vuostai, mi gidda 1814 rajest læ læmas Norga ja Ruotarika gaskast.

Son čuožoi maidai dam ala, atte i Norga vela læ ærranam Ruotarikast erit, ja atte dat læ son ja Ruotarika stuoradigge, gæn famost dat læ čilgigit dam aše, ja gæst dat boatta, galgago Norga ærranet vai i. Ouddalگو dat læ dakkujuvvum, de i læk Norga vela laga mielde ærranam. Son læi dakkam, maid son ani su gædnagasvuottan ja vuoigadvuottan, go son biettali čallit konsullaga vuollai, ja go son biettali miedetet dasa, atte Norga stataraddejægjek heitte sin amata.

Norga stuoradigge vastedi dam čallagi, atte dat, mi læ dakkum dal, i šat satte ruoktot valddujuvvut daihe rievddaduvvut. Stuoradigge mæredøbme ja dakko læi darbolaš ja vuoigad. Stuoradigge sitta su vastadusastes nu sivot gonagasa, Ruotarika stuoradigge ja obba Ruotarika olmuid barggat ja vækktet, atte Norga ærranøbme Ruotarikast erit šadda rafhalaš lakai. Jos Ruotarika i bija vuostai, de læ stuoradigge gærgost radđidattat Ruotalaš radditusain dai aši birra, mi darbašuvvu, go rika guovto ærranæva. Norga olbmuk æi guodde baha vaimo Ruotarika olbmuidi.

Ruotarika stuoradigge læi ærranam ouddal 7id juni. Gonagas ravkai dam fastain čoakkai, ja stuoradiggeolbmak Ruotarikast botte čoakkai dam 20ad juni, valddem diti arvvalusa vuollai daid ašid. Gonagas su radđeaddidesguim buvti ouddan ruota stuoradiggei dam arvvalusa, atte stuoradigge adda gonagassi ollesfano dakkat siettatusa Norga stuoradiggei ja valdet daina arvvalusa vuollai daid ašid, mak læk darbolažak ærranæme diti. Dam gonagaslaš arvvalusast ouddandollujuvvu, atte Ruotarikast læ vuoigadvuotta bajasdoallat særvvevuoda Ruotarika ja Norga gaskast ja hettet ærranæme vela miekke boktege; mutto daggar særvvevuotta i mavse maidege. Mutto ouddalگو Ruotarika miedeta ærranæbmai, berre arvvaladdam bokte dakkujuvvut daggar siettatusak, mak dakkidek rafhe gaskal Norga ja Ruotarika maŋjel ærranæmege. Čielgga dædme ja ærranæbme berre garvvejuvvut daggar olbmai bokte, gæk vallijuvvejek danen Norgast ja Ruotari-

kast. Go dat arvvaladdam læ garves ja guoratallujuvvum Ruotarika stuoradiggest, de berre Ruotarika oaivel ærranæme harrai olguscelkujuvvut.

Dat læ, oanekažat muittaluvvum sistdoalatus dam arvvalus čallagest, man birra stuoradigge olbmak Ruotarikast dal læk arvvaladdamen.

Ruotarika stuoradigge læ jukkujuvvum guovta oasai: »Vuostas gammar« ja »Nubbe gammar.« Dak stuoradiggeolbmak, gæk gullek »nubbe gammari,« galgek læt jurdagast miedetet gonagasa arvvalussi. »Vuostas gammar« stuoradiggeolbmak galggek læt dam vuostai, ja dat læ ballamest, atte si æi adde gonagassi dam famo maid son arvvalus čallagest sitta I vela læk Ruota stuoradigge mæredøbme dam aše birra garves.

Dam muddoi læ dai aši arvvaladdam ollim, go dat hitta čallujuvvu. I læk Norga stuoradigge vela ožžom maidege vastadusaid dam gačaldakki: Miettago gonagas Oskar, atte okta su prinsain šadda sierra gonagassan Norgi? Dat læ gosi visses, atte i Ruotarika miedet dasa. Muttomak Norgast, erinoamašet socialistak, savvek, atte Norga šaddaši republikan. Republika læ okta rika, mast læ daggar stivrimlake, atte okta olmai valljijuvvu stivrijægjen moadde jakkai. Son goččujuvvu prašidentan. Nu gukka go son stivrre, læ sust sæmma fabmo go gonagasast.

Dat læ jakkemest, atte dat naggo Norga ja Ruotarika gaskast čilggijuvvu rafhalaš lakai, ja atte soatte i šadda damditi. Olgoædnam blađek čallek maidai, atte dat læ hœppad, jos Ruotarika soattagoatta Norgain dam naggo diti. Aenas olgoædnam avisak dollek Norga bæle. Aei Ruotarika olbmuk galga læk soatte halost

Vuostas helludakbæive lokkujuvvui aenas girkein stuoradigge diedetus Norga olbmuidi, atte mi læp ærranam Ruotarikast erit, ja mist dal læ min ječamek sierra radditus. Obba min ædnam mietta læk olbmuk ilost, go stuoradigge nu arvoket læ bæloštam Norga vuoigadvuodaid.

Girkkorokkus læ dal rievddaduvvum nuff, atte dast i rokkadallujuvvu šat Norga gonagasa oudast, dainago mist i læk gonagas.

Oktasaš mærkka soatteplævgast læ maidai valddujuvvum, ja Norga ladnid ja soatteskipai bagjel livšoda

dal dat rainas Norga plævgga.

Mangas min ædnamest læk ilost ja avvodek, go Norga ærrani Ruotarikast erit. Min mielast orro, atte si illodek bære arrad. Gi dietta, moft dat goevva, ouddalگو dak ašek čilggek ollaset. Dak læk duodalaš bæivek Norga olbmuidi; mutto dat læ min savaldak, ja dat læ min doaiva, atte dat naggo farga čielgga rafhalaš lakai, atte bæivaš fastain baitta ovta likkolaš Norga bagjel, ovta Norga bagjel, mi ollaset čuožžo su ječas julgides alde.

Soatte.

Maŋjel dam garra mærrasoade Koreanuorest, mi famotutti Ruošarika, læ rafhe lakkanešgoattemen. Amerika prašidenta Roosevelt læ stuora angervuodain barggam dam ala, ja sikke Japan ja Ruošarika i læk šaten dam vuostai. Dat læ dal mæreduvvum, atte rafhe ja soavatusa birra galgga arvvaluvvut visudet. Amerikast Washington gavpugest, gost Roosevelt orro. Dokko vurddujuvvujek japanalaš ja ruoša oaivveolbmak augusta daihe september algost. Roosevelt ožuda obba su famoines oazžot Ruoša ja Japana orostattet soade, nu farga go vejolaš læi, dainago okta šlaga Mansjuriast satta loapatet rafhe-arvvalusa.

Ruoša ja Japan radditus læva dal radđadaddamen dam birra, moft dak guokta oaivvesoattehærra Linevitsch ja Oyama galgaše boattet sagaidi ja soappat, atte soai orostatteba soattama. Dat gaddujuvvu, atte soade orostøbme fargamusat šadda, go dak guokta oaivvesoattehærra boatteba sakalagaid. Dat i læk vela mæreduvvum, gukkago dat orostøbme galgga bistet; mutto i cat daide gal bistet bære gukka. Damditi ferte rafhe-arvvaløbme gaččujuvvut.

Washingtonest muittaluvvu, atte Japan sitta soavatussan 1440 gidda 2880 miljon kruvna ragjai. Aereb ruđaid sitta Japan Koreanjarga, Liatongnjarga oktan Port Artur gavpugin. Dasto gaibbeda Japan, atte Mansjuria addujuvvu ruoktot Kinai, ja atte Mansjuria ruovddemadde šadda internationala (buok rikai) bærraigæččam vuollai. Muittaluvvu maidai, atte Ruošarika muttom muddoi aiggo soappat dasa.

Ruoša oaivvesoattehærra Mausjuriast i læk mielast hæittet soattamest. Son galgga doaivot oktan su soattevægaines ain, atte son vuoitta japanalažai bagjel. Daddeke muittaluvvu, atte ruoša vuoitatalai 16ad juni obba arvad, go soattevægai ravtak botte okti.

Maņemus telegramma, mi læ olim min ragjai, muittala, atte japanalažak læk garvam ruoša soattevæga Mausjuriest, ja atte garra soattam læ vuorddagast, jos rafhe arvvalæbme i orrastatte soattama.

Østerika — Ungarn.

Ungarn ja Østerika Madde-Europast læva oktiotastattujuvvum nuft, atte dam rika guovtost læ okta gonagas. Mutto dam guovte rika gaskast læ davja læmaš obba moaivve ja soapamættomuotta. Go dat saka olli Ungarni, atte Norga læi ærranam Ruotarikast erit, ja valljin aldis ječas rađđijume, de stuoroi maidai ungaralažain hallo oažžot ječas rađđijume ja ærranat Østerikast erit. Dal muittaluvvu, atte Ungarna stuoradigge arvala biettalet makset oktasaš golatusaid. Si halidek ærranet Østerikast erit, maina si læk okti ovtastattujuvvum mælgad sæmma lakai go Norga læi Ruotarikain. Maņnel sin stuoradigge mæredæme čurvu ungaralažak: »Gukka ellus Norgal«

Bivdo birra.

17ad juni ragjai læi giđđabivdo Finmarkost oktibuok gosi 35^{1/2} miljon kilo. Giđđabivdo, oažžo dagjat, læ dal nokkam. Soiddebivdo i vel gullu favdnadet.

Čoddadavdda (differit).

Porsangost ja Garašjogst galgga dal læt manga sidain čoddadavdda.

200,000 kruvna.

Stuoradigge læ dal bevilgim 200,000 kruvna, mast fiskarak Finmarko amtast ožžuk loanast, vai si sattek buoreb ja stuoreb vadnasid (soitaid) aldisæk oastek. Daina ruđain sattuuvvu valddut loanast gidda 4000 kruvna ragjai. Loadna galgga maksuuvvut 10 jage gæcest. Rænto 2^{1/2} procenta.

Buocco soattebaikest.

Charbin gavpugest Mansjuriast læ dal koleradavdda. Čuđi mielde jabmek

olbmuk bæivalažat. 56000 buocce ja havvadattum olmu læk gavpugest.

Prins Gustav Adolf

vihatuvvui ja doalai hæjai Windser gavpugest Engelandast dam 15ad juni.

Njuvdatalai jamast.

Go dam giđa okta salledamppa bođi Tufjori, de bakkijegje fiskarak nu ollo oktanaga dampi sæktesalledid oastet, atte golbma olbma njuvdatalle fastet. Okta daina læ maņnel jabmam.

Væikkešærpai birra.

Bagjesamek, guđek vazzek vari mielde, oažžo dagjat, gæčos jage, bottek davja væike ja malma njæiga. Änaš sajek, gost dal læ stuoreb gruvvabarggo sikke dabe Norgast ja Ruotarikast, læk alggo algost sabmelažak gavdnam. Mutto davja læk samek darretallam ja æi læk ožžom balljo maidege šærpai oudast. Sulitjelmast ja manga sajest Davve-Ruotarikast læ dal stuora gruvvabarggo; mutto sabmelažak, guđek dobbe algost gavdne daid, æi šaddam oažžot maidege.

Damditi lokke, jos don gavnæk daihe læžak gavdnain šærpaid, læge varrogas. Dam blađe redaktøra aiggo væksetet du, go don čalak ja muittalak sudnji, gost don læk gavdnam šærpa. Dam blađe redaktøra aiggo addet dudnji rađe. Su adressa læ:

A. Larsen, Kvalsund.

Hui šaddolaš jakke

orro dat jakke šaddamen. Harve læk šaddomuorak madden min ædnamest læmaš nu čabbak go dal.

Guossek.

Dam gæse vurdujuvujuk 5000 olbma Norgi Amerikast. Dak læk Norga olbmuk, guđek læk sirddam Amerikai ja dam gæse bottek deike sin fulkidæsek ja oappasidesek guossai. Dam mano loapast botte juo arvo mielde 2000 olmu.

Doala blađid!

Dal, go stuora dapatusak šaddek sikke olgoædnamest ja min ječaidæmek ædnamest, berreši juokkehaš doallat blađid. Juokke sabmelaš, gutte i adde čađa burist daro, berre doallat »Sagai Muittalægje.« Dat blađe aiggo muittalet lokkedi sikke soađe ja dam naggio birra, mi dal læ Norga

ja Ruotarika gaskast.

Ruošaenam.

Ruošarika riggak olgusvagjolek.

Čuođe jage dast ouddal, go læi daggar hirbmos stuibme Frankarikast, guđe rigges ja alladilalaš olbmuk Frankarika ja olgusvagjolegje æra ædnamidi.

Sæmma laje læ dal Ruošaædnamest. Ädnag rigges olbmak læk januar mano rajest guođdam Ruošarika ja olgusvagjolam ja valddam sin ruđaidæsek mieldelek. Bærrašak logi mielde læk dam giđa sirddam dobbe erit Tuiskaædnami, Frankariki ja Skandinaviai, ja i oktage daina læk maccam ruoktot. Maņnel vuoitatallama Koreanuorest læ olgusvagjolæggi lokko lassanam hirbmadet. Ašše dam olgusvagjolæbmai læ dat, atte riggak vigge bæssat erit dam stuimest, mi dal læ, ja mi dast maņnel gal šadda vela stuoreb Ruošaædnamest.

Oažžo dagjat, gosi juokke burist čuožžo olmai læ vuovddam su obmudagas. Ädnamak, gieddek ja æra obmudagak vuvdujuvujuk bælle haddai, ja ruđak saddijuuvujuk olgoædnam bankoidi. Manga ruoša vuvdek sin obmudagasek ja lonijek ruđaid olgoædnam ruttariggai særvest — Japani. Dam muittalek si ječa, ja æige si ane dam maggarge heppaden. Rakisvuođa ja gululašvuođa rika rađđitussi, mi dast ouddal læi ruoša olbmui, læ soatte aibas loaktam.

Dušše ammatolbmak, gavppeolbmak ja fabrika čegadak, guđek æi sate guođdet sin fidnosek, bacek maņemusta æreb almug olmui Ruošaædnami.

Ruošaædnam dovddagoatta juo, atte ollo ruđak læk dolvjuuvvum ædnamest erit. Gavppeolbmak, gæina læk dušše činæk vuovddet, æi jođet balljo maidege, ja muittaluvvu juo, atte ollo gavppeolbmak æi čuožžo šat, mutto mannek »dærme vuollai.

Soavatus-oaffar.

Okta hirbmos dapatus šaddai æska laje muttoin ucca gavpugažast Cualet Amerikast. Dam gavpug pappa, Ariozo Orifio, boldi ječas ællena-ga soavatus-offaren su særvvegoddes suddoi oudast.

Orifio læi moanaid jagid læmaš pappan dam gavpugest, ja angeret

bargai son su særvegoddes aigalaš ja agalaš buorredilli diti; mutto son læi garas ja gaibedi buttes cellema ja rieftalašvuoda, ja dego gastašægje Johannes nævvoi son sikke allebbæl' olmuid ja almug olmuid. Damditi likojegje mangas sudnji hui burist, ja mangas balle sust.

I oktage æppedam su duođalašvuoda; mutto mangasa mielast oroi son gaibedæmen bære ollo. Olbmuk suorgganegje, go si maņemus sodnabæive gulle papa sardnestuolost cælkenen, atte lbmel gaibeda soavatus-oaffara særvegodde ibmelmættomvuoda diti, ja atte son aigai ječas oaffaruššat.

Olbmuk æi sittam balljo jakket, atte su aiggomušast ja aitemest šadda mikkege; mutto buokain læi daddeke mašotesvuotta ja ballo.

Mutto sin æppedæbme nogai, go si maņeb bæive oidne papa mannamen sidast sidi, olgusjuogadæmen buristsivdnadusa ja bovdemen særvegodde boattet girkoj gaska vakko, gost son aigoi ječas offaruššat.

Go særvegodde bođi čoakkai dam mæreduvvum bæive, de guoddeti pappa altara girkos olgus. Dasto coggai son virggebiktasides bagjelasas bijai bastilis lanjakruvno oaives ala ja loaidasti altar ouddi. De čuorvoi son lbmel læt armogas dam særvegoddai, man suddoi oudast son dal galgai jabmet. De goargnasti son altar ala ja cakketi su ječas biktasid, maid son ouddal juo læi laktadam parafinain. Go su biktasak buolastegje njuovčadollan, de rokkadalai son fastain særvegoddes oudast, ja su jiedna gullui vela maņnelge, go son ješ javkai dola ja suova sisa. Maņemusta gaččai son vuolas altar alde ja jami alma luoibmamtaga.

Boarrasemus sabmelaš

Norgast læ Ansenius Piatjo Boris Gillest. Son læ dal 95 jage boares; mutto ain læ son arvok ja jotta duoddari mielde su boccuidesguim. Son læ læmaš naittalam viđa garde, ja sust læ læmaš 25 mana, maina 20 ain dalge læk ællemen.

Oanekaš muittalusak soade birra. Manne ruošša vuoittatalai nu fastet?

Dat stuoremus ašše dasa læi, atte ruošast legje nu gavnetes soattehærrak. Æi si læm ollasi diettam

dange, atte Korenuorest læi daggar havna, atte Japanalaš soatteflaata sati dobbe orrot. Mutto Japanalaš admiral Togo fal i luottam ruošaflaata čalmestes erit.

Dakkaviđe go Japanalažak fallitegje ruošaflaata, de dak æi balljo fittim maidege. Mangas æi obbanassi bačalamge, ja dak, guđek bačalesgotte, æi dæivvam galle have Japanalažaid. Ædnagak ruošalaš soaldatin guđde sin skipaidæsek, ouddalge bačalæbmege algi. Officerak ja soaldatak bælle dorru gaskastæsek, guđemuš oudemusta bæssa vadnasidi, go si guđde soatteskipaidæsek. Dam maņemus vuoittatallam maņnel i læk šat ruošast mikkege famoid mærrasoadest.

Roschdestwensky,

ruošai oaivve-admiral læi okta daina harvve soattehærrain, gutte Korenuoresoadest sođai stuora arjalašvuodain. Go son læi garraset sarjaduvvum, ferti son maņemusta guodđet su skipast. Japanalažak valdde su fangan, maņnel go son læi guodđam skipast ja læi ovta vadnas siste. Dal læ son muttom buocceivesost Japanest, ja dat læ jakkemest, atte son farga dævasmuvva. Son galgga læt hui sivoi japanalaš dalkastægji vuostai.

*

Mi ruošalaš fangain læ vuorddagasast?

Muittaluvvu, atte dat læ mæreduvvum Petersborgast, atte buok officerak ja soaldatak dai skipai alde, guđek bære aigga rottijegje rafheplævga ja adde vuollai, galggek dolvuvuvvut soatte-duobmostuolo ouddi, go si ovta garde bottet ruoktot sin fanggavuodastæsek Japanest.

Balvvala ain su oudda-vanhemides ibmelid.

Okta Troandem blađde »Nidaros« muittala:

»Bagjesabmelaš Divoj Ovla Garašjoga duoddarest galgga ain dalge rokkadallat boares sami æppeibmelidi. Ovla læ dal 87 jage boares ja orro okto ješ ovta goađest gukken duoddarest. Go amas olbmuk lakkanek su goađe laka, de gaidda son vuovddai.«

Nuft muittala okta darogiel blađde. Mi savašeimek, atte soames Garašjogast, gutte dovdda dam boares agja, čalaši min blađdai visubut dam birra.

Brævva Ivgost.

Mon maidai anam »Sagai Muittalægje.« Ollo læ dam blađest mang nummarest sardnujuvvum ædnegiela birra, dam daro oappam birra manai skuvlain, masa monge im liko. Bigjus dal dača ja sabmelaš oamedovdosga ala goabbašaga, ja geččusga dego spægjalest, goabbast læ boastot, dačast vai sabmelažast. Igo dat mate læk juo duotta aibasrakkan, atte ædnegiella læ goabbašagaidi gæppas sardnut. Dačai læ lossat algget sardnut dam giela, maid son i sate; nuft maidai sabmelaži. Dat lifči dego bagjelgæčatus olmušsortta, go laga vuimen oapatuvvu darogiella. Dat galle læ buorre ješ aldestes. Igo dat maidai lifči lika buorre, atte oapatet daro manaid sabmai, i dušše nubbe adnet vaive siste. Gæčček dal darkkelet daro oapatægjek, go sami manaidi oapatuvvu juoga lagan darogiel faga skuvlain, mak æi ibmer daro. De læk si lika stoalljot dego gusak, mak bottek olgus navetest. Damditi darbašuvvušægje guovtegielad oapatægjek, vai dulkujuk sabmai, maid dak sistest dollek. Buorre lifči, go juokke sabmelaš šaddaši sardnut darogiela, ja atte darolaš šaddaši sardnut samegiela, dainago dat læ min Norga valddegodde gielak, darro ja sabme. — — — — —

Ibmel læ ješ gilvvam sardnumgiela buok olmui sokkagoddidi.

Kristalaš vieljak ja oabbak, muitek dam fal, atte ædnegiella læ gæppas sardnut, masa læ juo mannavuodast oapatuvvum! Ollo lifči čallamuš dam aše birra. Balam, i daide redaktøra valddet sisa.

Čalla ja sisasadde

Okta Ivggolaš.

Guoibme occujuvvu!

Okta 25 jakkasaš nuorra olmai datoši šaddat oapest ovta nuorra nidi, gæina son maņnel, jos soappa, aiggonaittalet. Gi nieidaid aigguš ječas ouddandivvut, son čallus ja sadijekus govas dam blađe redaktøri, guttedaid ouddan doaimata.

Redaktøra: A. Larsen.

Prenteduvvum „Nuorttanaste“ prentemrakkanusast. Sigerfiorast.